

# NGUJESU KRISTU KUPHELA OSINDISAYO

Uyakubeletha indodana, uyiqambe igama lokuthi uJesu, ngokuba nguye oyakusindisa abantu bakhe ezonweni zabo. Mathewu 1:21


Ngokuba uNkulunkulu walithanda izwe kangaka, waze wanikela ngeNdodana yakhe ezelwe yodwa, ukuba yilowo nalowo okholwa yiyo angabhubhi, kodwa abe nokuphila okuphakade. Johane 3:16

UJesu wathi kuye: Mina ngiyindlela, neqiniso, nokuphila; akakho oza kuBaba ngaphandle kwami. Johane 14:6

Futhi ayikho insindiso ngomunye, ngokuba alikho futhi elinye igama phansi kwezulu elinikiwe phakathi kwabantu, esimelwe ukusindiswa ngalo. IzEnzo 4:12

...UKristu wafela izono zethu njengokwemibhalo; nokuthi wembelwa, nokuthi wavuka ngosuku lwesithathu njengokwemibhalo: 1 Korinte 15:3-4

Esinokuhlengwa kuye ngegazi lakhe, ukuthethelelwa kwezono ngokwengcebo yomusa wakhe; Efesu 1:7



And the gospel must first be published  
among all nations. MARK 13:10

**KUNAMAQINISO AMANE OKUDINGEKA SIWAQONDE  
NGOKUGCWELE:**

# **1 UNKULUNKULU UYAKUTHANDA.**

**UNKULUNKULU UFUNA UKUTHI UBE NOKUPHILA OKUPHAKADE  
NAYE EZULWINI.**

Ngokuba uNkulunkulu walithanda izwe kangaka, waze wanikela  
ngeNdodana yakhe ezelwe yodwa ukuba yilowo nalowo okholwa yiyo  
angabhubhi, kodwa abe nokuphila okuphakade. JOHANE 3:16

**UNKULUNKULU UFUNA UBE NOKUPHILA OKUCHICHIMAYO  
NOKUNENJONGO.**

Isela kalizi kungengokweba nokubulala nokubhubhisa; mina ngize ukuba  
babe nokuphila, babe nakho kuchichime. JOHANE 10:10

# **2 UMUNTU UNESONO NGOKWEMVELO. NGAKHO WEHLUKANISIWE NONKULUNKULU.**

Ngokuba bonke bonile, basilalelwe inkazimulo kaNkulunkulu;  
AMAROMA 3:23

Ngokuba inkokhelo yesono ingukufa... AMAROMA 6:23

**KUNEZINHLOBO EZIMBILI ZOKUFA OKUKHULUNYWA NGAZO  
EBHAYIBHELINI:**

## **▪ UKUFA EMZIMBENI**

Futhi njengalokhu kumiselwe abantu ukuba bafe kanye, emva kwalokhu  
ukwahlulelwa, KUMAHEBERU 9:27

## **▪ UKUFA NGOKOMOYA NOMA UKWEHLUKANA OKUPHAKADE NONKULUNKULU**

Kepha amagwala, nabangakholwayo, nabanengekayo, nababulali,  
nezifebe, nabathakathi, nabakhonza izithombe, nabo bonke abaqamba  
amanga, isabelo sabo siyakuba sechibini elivutha umlilo nesibabule,  
okungukufa kwesibili. ISAMBULO 21:8

**UMA UMUNTU EHLUKANISWA NONKULUNKULU NGENXA YESONO SAKHE, LIYINI IKHAMBI LALE NKINGA?**

**SIVAME UKUCABANGA NGALOKHU NJENGEZIXAZULULO:  
INKOLO, IZENZO EZINHLE, UKUZIPHATHA**

**NOKHO, LINYE KUPHELA IKHAMBI ELINIKEZWA UNKULUNKULU.**

## **3 UJESU KRISTU UWUKUPHELA KWENDLELA EYA EZULWINI.**

**YILOKHU UNKULUNKULU AKUSHILO.**

UJesu wathi kuye: Mina ngiyindlela, neqiniso, nokuphila; akakho oza kuBaba ngaphandle kwami. JOHANE 14:6

**UJESU KRISTU WASIKHOKHA NGOKUGCWELE ISIJEZISO SEZONO ZAKHO.**

Ngokuba naye uKristu wahlupheka kwaba kanye ngezono, olungileyo ngenxa yabangalungile, ukuba asiyise kuNkulunkulu, ebulawa enyameni kepha ephiliswa emoyeni, 1 PETRU 3:18

**UNKULUNKULU UNESITHEMBISO SOKUPHILA OKUPHAKADE.**

Okholwa yiNdodana unokuphila okuphakade; kepha ongakholwa yiNdodana kayikubona ukuphila, kodwa intukuthelo kaNkulunkulu ihlezi phezu kwakhe. JOHANE 3:36

**NOKHO, AKWANELE UKWAZI NJE LOKHO UJESU KRISTU ASENZELE KONA.**

## **4 KUFANELE SIBEKE UKHOLO LWETHU ENKOSINI UJESU KRISTU UKUZE SISINDISWE.**

**INSINDISO YETHU YENZIWA YENZEKE NGOMUSA KANKULUNKULU NGOKUKHOLWA KUJESU KRISTU.**

Ngokuba ngomusa nisindisiwe ngokukholwa; nalokhu akuveli kini, kuyisipho sikaNkulunkulu; akuveli ngemisebenzi, ukuze kungabikho ozibongayo. EFESU 2:8-9



## **YISHO LOMTHANDAZO KUNKULUNKULU NGOKUKHOLWA:**

**NKOSI JESU, NGIYABONGA KAKHULU NGOTHANDO LWAKHO  
OLUKHULU KIMI. NGIYAVUMA NGIYISONI NGICELA INTETHELELO.  
NGIYABONGA NGOKUNGIFELA ESIPHAMBANWENI UKUZE UHLAWULE  
ISIJEZISO SEZONO ZAMI. NGIYAKHOLWA EKUVUKENI KWAKHO  
KWABAFILEYO. KUSUKELA MANJE KUYA PHAMBILI, NGIYAKWETHEMBA  
NJENGENKOSI NOMSINDISI WAMI. NGIYASAMUKELA ISIPHO SAKHO  
SOKUPHILA OKUPHAKADE FUTHI NGINIKELA UKUPHILA KWAMI KUWE.  
NGISIZE NGIGCINE IMIYALO YAKHO, NGITHANDEKE EMEHLWENI AKHO.  
AMEN.**

## **UMA UKHOLELWA KUJESU KRISTU, LOKHU OKULANDELAYO KWENZEKE KUWE:**

### **▪ UNOKUPHILA OKUPHAKADE NONKULUNKULU.**

Ngokuba lokhu kuyintando kaBaba ukuba yilowo nalowo obona iNdodana, akholwe yiyo, abe nokuphila okuphakade; ngiyakumvusa mina ngomuhla wokuphela. JOHANE 6:40

### **▪ ZONKE IZONO ZAKHO ZITHETHELELWE. (OKUDLULULE, AMANJE, OKUZAYO)**

Owasikhulula emandleni obumnyama nowasibeka embusweni weNdodana yothando lwakhe; okukuyo sinokuhlengwa, ukuthethelelwa kwezono, KOLOSE 1:13-14

### **▪ UYISIDALWA ESISHA NGOKUPHELELE EMEHLWENI KANKULUNKULU. LESI YISIQALO SEMPILO YAKHO ENTSHA.**

Kanjalo uma umuntu ekuKristu, uyisidalwa esisha; okwakuqala kudlulile; bheka, sekuvele okusha. 2 KORINTE 5:17

### **▪ MANJE USUNGUMNTWANA KANKULUNKULU.**

Kepha bonke abamamukelayo wabapha amandla okuba babe ngabantwana bakaNkulunkulu, labo abakholwa egameni lakhe, JOHANE 1:12

**UKWENZA IZENZO EZINHLE AKUSIYO INDLELA  
YOKUSINDISWA, KODWA KUWUBUFAKAZI  
BOKUSINDISWA KWETHU.**